

A2<sup>r</sup>

¶ Prologus/ ain vorred inn den erften thayl  
difes büchs. Der da fagt von den Comedien  
Plauti des poeten in Menechmo  
ES haben Plautus. Terentius vnnd ander Comici  
Poeten/ gewonlich vor eingang vnnd anfahen jrer.  
Comedien/ lich gebraucht ainer frölichen ſchimpf-  
lichenn voreed vnnd ermanung/ dadurch ſie das volck zů  
fleißiger auff merckung die Comedien zů hören möchten be-  
wegenn vnnd des volcks gunft vnnd wollgefallenn erlangen  
Alfo will ich auch ain ſchympfliche vorred gebenn. Nach jr-  
er gewonhait mit difen wortē Vil grůß/ hayl vn̄ gefundthait  
ſey mit vns allen/ ich bring eüch yetzund freud vnd frölichayt  
mit der zungen vnd nit mit den henden/ bit eüch jr wöllet dar  
zů gütlich verleyhen die ohren/ ob ich in kurtzer zeüt getrunckē  
hett/ vnnd villedicht zů vil folt jr alle gegen wertig richter ſeyn  
ſo ich barbariſch/ kriechiſch vnd nit verftetlich redenn wurd/  
Der kriechiſch kaiſer laßt euch allen gebieten zů ſchweigen vn̄  
zů hören vnd mit güttem mǖt nider zů ſitzen/ jr feyt hungerig  
oder gefötigt herkōmen/ wer geelfen vnd getruncken hatt ift  
weiß geweßt/ ob jm die funn auff die glatzen ſcheynen würde  
vnd wer noch nüchtern ift/ der werd gefetigt mit difer fabeln  
vnd mit worten/ wañ ain yeder hören wirt das jm luftig zů ef-  
ſen ift/ aber der hat tōrllich gethon/ der nüchtem herkomē vnd  
nider gefellen ift Nū nemet hyn das argument vn̄ materi di-  
ſer Comedien mit kurtzen worten/ enpfahet ſy in eweren finne  
vnd vermercket was folche vn̄ andere nachuolgende Comedi-  
en von gūten vnd pōſen ſitten der menſchen ſagen vnd auß-  
weifen. Ermant ich euch durch eher aller gütigkeit im aller be-  
ſten/ die gūten zů empfahen vnd zů behalten/ vnd die böſen ſit-  
ten zů verachten vnd zů vermeyden.

F3<sup>v</sup>

---

## Comedien Plauti

Hie fahet an der ander tail difes bûchs  
vnd sagt von zwaiē ſchwõſtern der yetwedere ge-  
nannt iſt Bachis/ darumb die vbergeſchriſt  
difes Capittels geſtellet wirt. Plautus in  
Bachide/ wañ Plautus d<sup>9</sup> poet vō di  
ſen zwaiē ſchwõſtern geſchribē hat  
Plautus in Bachide/ iſt difes bûchlin in latein ge-  
nannt/ wañ Plautus der poeta vnnd lerer hat es ge-  
macht vñ haiffet in Bachide/ wann es ſaget von  
zwaiē ſchwõſtern die yegkliche genant iſt bachis  
darumb wil ich den ſelben namē Bachis in difem bûchlin nit  
verwandlen/ aber all ander namen der anderen pfeonen/ dar-  
umb ſo ſy ſein kriechiſch vnnd gewonlich/ wil ich verwandeln  
in teütſch vñ gewonlich namen/ vñ Plautus der poeta iſt bür-  
tig gewefen auß ainer ſtat genant Sarfinum/ gelegē in Tufca-  
nier land/ vnd iſt lange zeit gewefen vor Chriſti vnſers herren  
gepurt/ vñ hat gemacht. viij bûcher in latein die mā gemainck-  
lich hat/ aber difes hernach geſchriben pûchlin mit ſampt an-  
dren aylffen/ die ſein lange zeyt wol bey fünff hundert jarē oder  
mer verlorn vñ verporgen gewefen vñ neulich im Concilio zū  
Bafel wiber gefundē/ alfo d<sup>3</sup> die materi wid<sup>9</sup> neüw iſt bey geler-  
ten vñ vngeleerten/ vñ darüb dſteer luftiger vñ girlicher zûlefen